

م.ع. صابری

اوشاقلار ایچون شعرلر

۱۹۰۶ - ۱۹۱۰

جوتچی

چیقدی گونش، دولدی جهان نور ایله،
جوتچی سورور تارلاده جوت شور ایله.

آتار، اوکوزلر کوتانه گوج ویریر،
گاه یوروور، گاه ییقیلیر، گاه دوریر.

جوتچی باتوب قان تره یر شوملایور،
شوملادیغی تارلاری توملایور.

اولسه ده آرق نه قدر زحمتی،
ایشلمگه وار او قدر غیرتی.

چونکه بیلیر راحت اذیتدهدر،
شاد یاشاماق سعی ده، غیرتدهدر.

شیمدی اگرچه اوڤکا زحمت اولار،
قیشدا عیالی، اوزی راحت بولار.

جمع ایدهجک تارلاسنگ حاصلین،
بسله یه جک عائله سین، هم ایلین.